



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

IV. Vtrum Prouidentia diuina sit infallibilis, semperq[ue] consequatur finem, ad quem ordinat & præparat media.

[urn:nbn:de:hbz:466:1-72856](#)

in finem; spectat autem ad rationem ordinis in finem & dispositio mediorum, & ipsa præordinatio seu destinatio in finem; sed etiam dum ipsam quoq; consecutionem finis ad diuinam prouidentiam spectare afferit, quem; et si hac de re quandoq; aliter locutum refert, & sequitur Caietanus hic q. 22. art. 1. vbi ita ait: [Circa definitionem prouidentiae dubium difficile occurrit, an cum dicitur ratio ordinis rerum in finem, intelligatur & ipse ordo in finem, & peruentio ad finem; & an ordo tantum. Est autem ratio dubitandi, quia expressè in questionibus de verit. q. 6. a. 1. dicitur, quod prouidentia diuina est ratio ordinis in finem, & non euentus, id est consecutionis ipsius finis. In sequentibus autem pluries haberunt oppositum: & (hic) in sequenti articulo in resp. ad 1. & in art. 4. apertissime; & in art. 6. sequentis questionis, ita ut non sit locus inficiacioni. Ad hoc breuiter iudicio meo dicendum est, quod auctor mutauit sententiam in melius, & id de mente sua tenendum est, quod hinc & ex tertio cont. gent. cap. 94. habetur, scilicet quod prouidentia est ratio ordinis in finem quoad utrumque, scilicet ordinationis, & consecutionis &c.]

Eodem modo Gregorius de Valentia hic q. 22. pun. 1. docet, ad rationem diuinæ prouidentie pertinere, non solum quod res vnaquæque sit in suum finem ordinata; sed etiam quod res a sequuntur suis fines, ita quidem, vt quando res finem suum a sequitur, ipsa quoque a sequitur finis pertineat ad prouidentiam, qua res illa in suum finem ordinata est. Eadem ratione Molina hic q. 22. art. 1. disp. 2. et si quidem afferat contra Caietanum, de ratione Prudentiae non esse consecutionem finis, tamen certè supponit, & præordinationem finis, & ipsam quoq; eius consecutionem ad prouidentiam spectare, quod finis res ipso obtinetur. Idem docet Ferrariensis lib. 3. cont. gent. cap. 94. vbi ait Prudentiam duo includere, scilicet voluntatem finis aliquo modo, & voluntatem ordinis rerum ad finem. Sed reuera hi authores non loquuntur de prima præordinatione finis; sed solum tum de tendentia ad finem per media; tum de actuali consecutione finis.

Quare probatur prima pars assertionis, quam tradunt Durádus, Suarez, Vasquez locis citatis, neq; negant alij, vt dictum. Tum quia finis cuiusq; rei primus est in intentione; ac proinde licet non prius ratione Deus voluerit hominem ordinari ad suum finem, etiam supernaturalem, quam hominem creare; certè tamen voluntas creandi inuoluit hanc præordinationem finis. Cum ergo prouidentia supponat voluntatem creandi ex assert. 6. supponet etiam præordinationem eiusdem finis; ac proinde hæc præordinatio non est actus prouidentiae. Tum quia destinatio ad hunc vel illum finem, potius pertinet ad dispositionem, qua res in hoc vel illo gradu rerum collocantur, quam ad prouidentiam, qua eidem rei prouidetur in ordine ad suum finem. Tum quia non solemus dicere prouideri rei ipsa designatione supremi finis; sed mediorum.

Ratio secundæ partis, quam tradunt authores posterius relati neque negant alij, est. Quia usus & applicatio actualis mediorum efficacium ad quemlibet finem consequendum, vtique est effectus prouidentiae: Ergo etiam actualis consecutio finis, quæ ex

illo usus perse, ac necessariò consequitur: iuxta illud quod est causa causa, est etiam causa causati.

D V B I V M IV.

An & qua ratione Prudentia sit infallibilis; & an semper consequatur finem, ad quem ordinat & preparat media.

S. Thomas 1. p. q. 22. a. 2. & 4.

Controversia est aliqua inter Doctores, an prouidentia diuina semper consequatur finem, ad quem ordinat & preparat media, vt inferius dicimus. Sed vt doctrina sit plenior, vniuersim nobis explicandum est, qua ratione prouidentia diuina sit infallibilis.

Assertio I. Prudentia diuina eatenus absolute est, & rectè dicitur infallibilis, quatenus in eo, quod per illam absolute & efficaciter (adiuncta nimis voluntate Dei consequente & efficaci) siue circa finem, siue circa media ordinatur, infallibiliter euenit, eo modo, quo ordinatum est. Ita S. Thomas hic q. 22. a. 4. ad 2. vbi ait, ea que ab ipso prouidentur, cuncta euenire ex modo, quo ipse prouiderit, siue necessario, siue contingenter. Et ad 3. ait, prouidentiam diuinam non deficere à suo effectu. Et rursus lib. 3. cont. gent. cap. 94. ait, ordinem diuinæ prouidentiae esse certum, immobilem, & indissolubilem, quod effectus consecutio nem. Idem docet Boetius lib. 4. de consol. pros. 6. et Ecclesia in orat. Domin. 7. post Pentecosten, orat: Deus cuius prouidentia in sui dispositione non fallitur &c. Et est extra controversiam.

Ratio sumitur ex efficacitate diuinæ voluntatis, quæ eum aliquid absolute & simpliciter fieri vult, semper est efficax, vt dictum supra disp. 2. q. 10. dub. 3. & 4. Neque verò propriè dici potest nulli prouidentia; nisi cum non a sequitur id, quod prouisor absolute & efficaciter vult & intendit. Quia in re plurimum differt prouidentia diuina ab humana: hæc enim sepius simē & in fine, & in mediis præordinandis, fallitur. Cum enim patens filium v.g. vult creari Doctorem, ideoque pecunias mittit, absoluta etiam, & quantum est ex parte parentis, efficaci quadam voluntate eius finis, ac mediis &c. sèpe fit, vt & pecunia transmissa fiat auctura, & filius, etiam si pecunia sufficiat, defectu doctrinae gradum designatum consequi non possit &c. Vnde apud Sapientem legitur, Cogitationes mortalium timida, & incerta prouidentia nostra. Sap. 9. Non ita in Deo accidit.

Assertio II. Prouidentia diuina quod dispositionem seu præordinationem mediorum semper habet aliquem effectum. Ita docet Ferrariensis lib. 3. cont. gent. cap. 94. vbi generatim pronuntiat, Prouidentiam respectu ordinis rerum ad finem pertinere ad voluntatem consequenter; & sic semper impleri, quod est præsumptum: quia omne quod est prouisum, ut habeat ordinem ad aliquem finem, illum ordinem sequitur: respectu autem finis pertinere ad voluntatem antecedentem, quantum ad aliqua prouisa &c.

Ita Ferrarensis; sed cuius generale dictum illud, vtique limitatione indiget, quando palam est, nec media quidem per diuinam prouidentiam ad beatitudinem consequendam hominibus præordinata; vt sunt applicatio Sacramentorum, predicatione & auditio Verbi Dei; preceptorum diuinorum obseruatio &c. semper re ipsa impleri, & executioni mandari.

3 Intelligendum est ergo, prouidentiam respectu mediorum semper esse aliquo modo efficacem, quatenus Deus sua prouidentia, quantum in se est, generalia & sufficientia salutis media omnibus præparauit, etiamsi interim particulariter ac re ipsa omnibus non applicentur, nec forte ex accidenti etiam applicari possint: quandoquidem Deus nec quidem, ut hoc re ipsa fieret, sua prouidentia efficaciter præordinare voluit, aut debuit. Est ergo hoc solum discrimen inter finem & media: quod prouidentia respectu mediorum, etiam in ordine ad finem particularem, semper habet aliquem effectum, ut dicatum, respectu vero ipsius finis particularis, per se ei necessariò non requirit actualem consecutionem in vilo subiecto, cuia Deo prouisum ad eum finem dicitur, ut paulò post dicetur. Quo sensu rectè etiam dixit Molina hic q. 22. art. 1. disp. 2. prouidentiam diuinam includere quidem propositum efficax, & voluntatem absolute exequendi aliqua media, non tamen aliquid diuinum.

4 **Affirmatio III.** Sed & quantum ad finem generalē totius creaturæ, qui est manifestatio gloriae diuinæ, prouidentia diuina semper consequitur suum finem & effectum. Ita S. Thomas hic q. 19. art. 6. & dictum supra disp. 2. q. 10. dub. 3. neque de hoc etiam est vila controversia.

Ratio est; quia siue peccata Deus impedit, siue permittat, siue remittat; siue cum bonos facit & remunerat; siue cum malos tolerat, aut punit; siue cum virtutis beneficis, semper elucet diuinæ Misericordia &c. unde & gloria ipsius tam hominibus, quam Angelis, quibus a diuinæ prouidentia ratio cognita est, magis semper ac magis patescit. Neque omnino fieri potest, ut peccatores, etiamsi velint, diuinæ voluntatis & prouidentiae ordinem effugiant: qui dum peccando subtrahunt se à diuinæ voluntate præcipiente, incident in ordinem diuinæ voluntatis & prouidentiae punientem, ut ibidem, cum S. Thoma dictum.

5 **Affirmatio IV.** Quod verò attinet ad fines particulares rerum, quibus à Deo prout detur, diuina prouidentia non semper ac necessariò consequitur finem, ad quem ordinat & præparat media. Ita a parte S. Thomas in 1. d. 40. q. 1. art. 2. & quest. 6. de verit. art. 1. Durandus in 1. d. 39. q. 3. & dist. 40. q. 1. Capreolus ibidem. Marsilius quest. 41. a. 1. Ferrarensis 3. cont. gent. cap. 94. Gregorius de Valentia hic q. 22. p. 1. Molina q. 22. art. 1. disp. 2. Suarez lib. 1. de prædestinat. cap. 18. à num. 6. Vasquez disp. 87. cap. 4. & apud eosdem Sylvester, & omnes Thomistæ, contra Caietanum hic q. 22. art. 1. ubi contrarium docuisse visus est, quasi videlicet prouidentia diuina non solum includat rationem ordinis rerum in finem, sed etiam ipsam consecutionem finis: quare etiam vniuersim ait, prouiden-

dentiam pertinere ad voluntatem Dei consequentem.

Ex quo deducit Molina, si quando res aliquafinem non assequatur, ex Caetani sententia, eam non fuisse ordinatam in eum finem à diuina prouidentia. In eam verò sententiam Caetanus adducit etiam S. Thomam dictum pro assert. 1. quem proinde vult, priorem sententiam locis hac assertione citatis olim defensam retractasse, ut retulimus etiam ex Caetano dub. præced. Sed immerito, ut Molina & Vasquez, ex Sylvester, & alijs Thomistis referunt, qui autem, solum Caietanum inter sectatores S. Thomas, id de S. Thoma affirmare. Gregorius de Valentia autem loc. cit. putat, Caietanum solum existimat, ad diuinam prouidentiam spectare etiam accusationem finis, velut effectum quendam, tunc, quando finis re ipsa obtinetur, quod nos etiam dub. præced. diximus: eaque ratione putar authores utriusque sententie posse conciliari. Sed Caietanus plus dicit, ut non solum referunt citati, sed etiam ex verbis eius colligitur.

Ratio assertionis est. Quia negari nulla ratione potest, multis prouisum esse de mediis ad vitam æternam consequendam, eosque proinde in hunc finem à Deo esse ordinatos, iuxta illud, *Vult omnes homines salvos fieri*: Item, *Docete omnes gentes &c.* qui tamen eum finem re ipsa non consequuntur. Cuius etiam rei hæc est causa. Quia licet Deus prouidendo semper aliqua media ex se sufficientia ad finem omnibus exhibeat seu offerat (quo etiam respectu prouidentia pertinet ad scientiam approbationis, & est efficax causa rerum, ut dictum) tamen non semper omnibus re ipsa applicat illa, quæ præsciuit efficacia; nec omnino etiam vult liberum & continentem agendi modum causis secundis adimere, sed vnicuique subuenire & cooperari, secundum exigentiam sua naturæ, iuxta S. Dionysium cap. 4. de diuin. nom. vbi ait: *Negre enim prouidentia est, naturam interinere & tollere.* Itaque ut prouidentia vniuersum in natura conseruatricem, ea que suis appetitionibus vntur, ut euromodi gubernat; & vniuerso & singulis, accommodare utriusque, quatenus eorum, qua prouidentia reguntur, natura capit, vniuersaliter prouidentia beneficia, qua cuncte pro capitu sicut dantur. Et

Quò sit etiam, ut talis frustratio finis, non proueniat, vti inter homines fieri assulet, ex defectu, puta ignorantia vel impotencia prouisoris, sed ex libertate diuinæ voluntatis, & suauitate summaque perfectione prouidentiae summi gubernatoris. Secus est, sive Medicus quispiam imperitus, absoluè & simpliciter Deus consecutionem finis intenderet; quem ob imponentiam consequi non posset, vti etiam assert. 1. dictum.

Ex quibus etiam patet responsio ad fundatum oppositæ sententie, quia frustratio finis, etiam particularis, tribui non possit diuinæ prouidentiae sine imperfectione; cum in humanis finem intendens, & non obtinens, semper imperfectè operari videatur: in quo tamen, ut dictum, manifesta disparitas est, quod D E V S sua prouidentia non semper absolute intendit consecutionem finis; sed aliquando solù conditionata, aut simplici voluntate; quantum nimis in se est, & sicubi libertas & contingencia causarum secundarum non obster, ut plu-

ribus

ribus Molina loc. cit. & dictum supra disp. 2. q. 10. dub. 5.

Quod verò Caietanus addit, prouidentiam Dei spectare ad voluntatem Dei consequentem, intelligendum est; iuxta sensum primæ, secundæ, & tertia assertionis: quantum enim ad actualem consecutionem finis particularis attinet, ea aliquando solam voluntatem antecedentem complectitur, vt recte Ferrariensis loc. cit. Eodemq; sensu intelligendum est etiam S. Thomas locis illis, quos pro fe citauit Caietanus. Neq; enim S. Thomas locis à Caietano in utramque partem citatis plus docet, quam hæc duo; primum est, prouidentiam diuinam non falli, quin & finem vniuersalem semper; particularē autem pro arbitrio diuina voluntatis, quando & quoties vult Deus, consequi: alterum est, de ratione tamen diuinae prouidentiae non esse actualem consecutionem finis; quæ diuersa quidem sunt; sed sibi minimè contraria, vt ex dictis constat.

D V B I V M V.

An & qua ratione diuina Prudentia concilietur cum libertate arbitrii creati; speciatim etiam ex mente S. Thomae: & quid de fato ac fortuna sentiendum.

S. Thomas I. p. q. 22. a. 4.

Vppositis iis, quæ disp. præced. quæst. 8. dub. 11. & quæst. 10. dub. 7. & q. 11. dub. 1. à nobis disputata & explicata sunt, facilis est huius rei explicatio. Cum enim diuina prouidentia dupliciter spectari possit; primò secundum se, vt est actus immanens in Deo; deinde etiam quoad executionem, quam esse ipsam rerum gubernationem dictum est hic dub. 1. facile ex dictis disp. præced. loc. cit. liquet, Prudentiam diuinam cum libertate arbitrii creati, adeoque & contingentia causarum secundarum optimè conuenire. Cum enim secundum se, vt actus immanens in Deo, formaliter sit actus intellectus & scientia quædam practica in Deo; simul tamen etiam connotans actum voluntatis, vt dub. 1. dictum, constat, prouidentiam non magis pugnare cum libertate arbitrii, quam ipsam scientiam & voluntatem diuinam; quarum prior qua ratione cum libertate concilietur, exposuimus cit. quæst. 8. dub. 11. Voluntatis autem diuinae concordiam cum eadem libertate explicauimus cit. quæst. 10. dub. 7. vbi simil etiam diximus, tamen si Deus sua prouidentia actus nostros in particulari quandoque absolute prædefiniret, id tamen cum libertate arbitrii optimè stare posse.

Quod eò etiam pertinet, vt etiamsi diuinam prouidentiam formaliter constitutam esse existimaremus, in efficaci quodam actu Imperii, ab omnī cognitione intellectus distincto, nostramque determinationem & libertatem antecedente, vt non nulli existimant, eum tamen actum Dei internum.

per se libertati nostra officere nihil posse intelligamus: quandoquidem eā ratione plus Deo non tribueretur, quantum ad præsens negotium pertinet, quam præfinitio quædam actuum nostrorum absolute, & antecedens nostram libertatem; quæ qua ratione per se libertati nihil obstat, ibidem diximus; quanquam eum actum Imperii, ex alio capite, & iam superius dub. 1. reieciimus, & q. seq dub. 3. rursum reiciemus.

Quod si Prudentia diuina spectetur secundum sui executionem, quam diximus esse gubernationem, patet itidem ex dictis disp. præced. q. 10. dub. 7. & q. 11. dub. 1. eam libertati nostra nihil prædicare; quandoquidem executio prouidentiae consistit partum in auxiliis gratia præuenientis, partim in actuali concurso diuino cum actibus liberiarum arbitrii: neutro autem modo impediti libertatem arbitrii nostri ex eo declarauimus; quia neutrō modo physicac intrinsecè prædeterminatur liberum arbitrium, nec connaturalis eius agendi modus ullo modo immutatur, vel impeditur; sed auxiliis gratia excitatur solum & adiuuatur voluntas, vt possit beneagere, & si efficacia sint, re ipsa beneagat; cum absolute tamen etiam possit non agere, vt dictum cit. dub. 7. & pluribus etiam in materia de gratia explicandum est: concurso verò diuino mouetur quidem efficaciter voluntas, sed motione solum simultanea, non naturæ & causalitatis ordine antecedente nostram determinationem, vt ibidem dictum.

Atque cum his optimè conuenit, quod de concordia diuinae prouidentiae cum libertate arbitrii docet S. Thomas hic q. 22. art. 4. vbi cum docuisset, diuinam prouidentiam quibusdam rebus necessitatem imponere; iis nimirum effectibus, quibus præparauit causas necessarias; non autem omnibus, vt quidam inquit, crediderunt; eò quod quibusdam effectibus præparauit causas solum contingentes; qui proinde etiam eueniunt contingenter, secundum conditionem proximarum causarum; de qua re contra Scotum actum est superioris, disp. præcedentis. quæst. 10. dub. 5. mox in solutione argumentorum, diuinam prouidentiam cum libertate nostra ita conciliat, vt ab ipsa efficacitate diuina prouidentia, concordia rationem desumat. Cum enim primò obiectum fuisset hoc argumentum: *omnis effectus, qui habet aliquam causam per se, quæ iam est vel fuit, ad quam de necessitate sequitur, prouenit ex necessitate, ut philosophus probat in 6. Metaph. tex. 7. sed prouidentia Dei cum sit eterna, præexistit, & ad eam sequitur effectus de necessitate; non enim potest diuina prouidentia frustrari:* Ergo prouidentia diuina necessitatem rebus prævisis imponit: Respondebat S. Thomas ad 1. Effectus diuinae prouidentiae non solum est, aliquid eueniere quoquinque modo, sed aliquid eueniere vel contingenter, vel necessario. Et ideo euenit infallibiliter & necessario, quod diuina prouidentia disponit eueniere infallibiliter & necessario; & euenit contingenter, quod diuina prouidentia ratio habet, vt contingenter eueniat. Eodem modo loquitur resp. ad 2.

Et rursum resp. ad 3. cum obiectus fuisset locus Boetij lib. 4. de consol. pros. 6. afferentis, quod *Fatum* (quo nomine Boetius prouidentiae executionē, seu diuinam gubernationem intelligere videtur)

3

4